

有部昆奈耶

籍

書


才

四

棠四

三百十六

49909



錄
年
子
二
月
日
呈
備

王
國
帝
新
銀
息

佛
子
塔
牌
佛
塔
輪
帶
轉

山
城
州
五
安
寺
法
金
剛
院
置

法
師
印
信



根本說一切有部毗奈耶卷第四 棠

唐三藏法師 義淨奉 制譯

不與取學處第二之三

尔時薄伽梵在室羅伐城逝多林給孤獨園

為諸苾芻說供養法門而說頌曰

若人不作福 常受於苦報 若能修福者

今世後世樂

時諸苾芻既聞斯說多行乞匄於佛法僧廣

興供養時佛教法漸更增廣於此城中有一

長者娶妻未久誕生一子既漸長大遂便出

家時諸苾芻作如是念今此城中多有苾芻

乞求難得我今宜可行詣餘方為佛法僧而



興供養便於他處隨意乞求多獲種種繒絲
之物盛滿衣袋還至羅伐路次稅關稅人問
曰聖者頗有稅物不荅言賢首我無稅物告
言且住可將物來試為觀察纔披衣袋見雜
色物填滿袋中稅官告曰若此袋盛不合稅
者豈待馳負方輸稅耶苾芻告曰賢首此非
我物問言誰許荅言一是佛物二是法物三
是僧物報言我復寧知佛法僧事但須與稅
方任前行久住稽留取其稅直放之而去遂
至室羅伐城心生追悔白諸苾芻苾芻白佛
佛言此人無犯不應但作此語云是三寶物
應對稅官作如是說讚佛法僧云何讚佛所

謂薄伽梵如來應正等覺明行足善逝世間
解無上士調御丈夫天人師佛世尊是名讚
佛云何讚法所謂世尊善說法要於現法中
得無熱惱隨機演說令趣涅槃內證三明智
慧圓滿是謂讚法云何讚僧世尊所有聲聞
弟子安住正理直心恭敬隨順勝法於眾僧

中有得預流向預流果者有得一來向一來
果者有得不還向不還果者有得阿羅漢向
阿羅漢果者此八大人皆尸羅圓滿三摩地
圓滿般若圓滿解脫圓滿知見圓滿是
合歸依是應恭敬是謂世間勝上福田是謂
讚僧如是讚歎三寶之時放去者善若不放

者應與稅直而去若不與者得宰吐羅罪時
有苾芻供養三寶故持諸雜物過稅關處雖
對稅者讚歎三寶然此稅官不肯虛放從索
稅直是時苾芻隨持一分而授與之佛言應
可均分不應偏與苾芻均物時節延遲遂失
贖旅便被盜賊虎豹所傷佛言不應在路而
作分判隨持一分與彼稅官至住處已均分
其物若異此者得越法罪

佛在室羅伐城給孤獨園於此城中有一苾
芻明解三藏衆所識知善能說法辯才無滯
遊行人間至王舍城三月安居竟欲求贖旅
往室羅伐城禮世尊足時有贖主欲持財貨

往室羅伐苾芻聞已詣賈主處爲說三種勝
福業事謂施戒修說此法時令彼賈主心生
敬信遂請苾芻家中供養并持妙氎而奉上
之便禮雙足作如是語聖者令我欲作何事
苾芻曰賢首我今欲往室羅伐城禮卅尊足
可於我所起悲愍心而爲護念荅言極善便
與賈主隨路而行賈主告曰仁爲乞食我爲
修福從王舍城乃至室羅伐於此中間衣服
飲食卧具醫藥所有資緣幸不須慮苾芻許
之路次稅關賈主所有財貨並輸稅訖便作
是念我物輸訖聖者白氎猶未輸稅若索稅
者物從我出應取彼氎安我物中告苾芻曰

聖者白氎可見與我荅曰仁所施物情生悔
耶荅曰我無悔心然我之物已輸稅訖仁氎
未輸若索稅者物從我出荅曰賢首世尊已
制學處苾芻有物持過稅關不輸直者犯根
本罪是時賣主便念察斯意趣不肯與氎我
自知時告言聖者我於今朝情有擾亂不及
營食仁可入村隨緣求覓苾芻聞語行詣村
中賣主取氎安己物中既至稅所稅人問曰
聖者仁衣袋中有稅物不苾芻曰我有一氎
荅曰將來試為觀察苾芻開袋不見其氎便
現愁容反手而歎是時稅者告苾芻曰何故
愁顏反手長歎苾芻曰我有一氎被賊偷去

稅者曰何但仁被賊偷我亦被偷由失此物
我無所得是時苾芻過稅處已實主告曰何
故憂愁情有不樂荅曰仁有施福無受用福
荅曰何意如此苾芻曰仁所施氎被賊將去
荅曰非賊將去我恐稅處從索稅直權將此
物安我貨中必若須者我今見授荅曰賢首
寧被賊偷不由此故令我犯罪荅曰聖者仁
於此物不起三業豈有罪耶苾芻聞已心生
悔恨次至室羅伐城諸苾芻曰善來具壽行
李安不苾芻具以事告諸苾芻諸苾芻白佛
佛言彼苾芻無犯然於行路所有軌式我今
說之行路苾芻入村乞食所有衣物應作記

驗迴還之時應好觀察若不依者得越法罪
佛在給孤獨園有二苾芻一老一少共爲伴
侶人間遊行老者多有衣物資生之具少者
資具寡少于時老者欲至稅關物合輸稅作
是念我有可稅之物若彼問時我若言無得
故妄語若我道有必索稅直作何方便免斯

二事即作是念可持我物與彼少年待過稅
關我當自取語彼少年曰可暫借我犍物少
年便念豈非老人身生疲倦令我持物遂便
受取在前而去稅者問曰聖者有何稅物不
荅言我無稅物稅官放過老者空手隨後而
至稅官不問過稅所已語言具壽還我衣鉢

少者問曰上座今者勞已歇耶荅曰我不為
勞令汝持物但為我有稅物作如是念若彼
稅官問我有稅物不我若言無得故妄語若
言有者定輸稅直為此方便令汝持物行過
稅所今既過已當可相還若如是者上座自
身得免稅直令我得罪荅曰汝不相知何因
得罪時少苾芻心生悔恨至室羅伐城到毗
訶羅諸苾芻見告言善來具壽行路安樂不
荅曰何有安樂問言何意具以上緣告諸苾
芻諸苾芻白佛佛言彼苾芻無犯然諸苾芻
行路之時若不問知不應為他持物若為持
時應須具問此中無有可稅物不如是問者

善若不問者得越法罪

佛言不應持可稅物而過稅關若持過者得越法罪時有六十苾芻人間遊行至一聚落有一長者大富饒財多諸受用深懷敬信見諸苾芻請就家食食已人各施一雙白氎苾芻告曰長者佛遮我等持稅物過關云何我今得取此物長者默然不復施與時諸苾芻為呪願已隨路而去至室羅伐已諸苾芻告言善來具壽行路安樂不荅曰行路安樂然有施主延請我等就宅而食食竟人各欲施一雙白氎我等不受由佛制戒不聽苾芻持稅物過關因斯失利諸苾芻聞已白佛佛言

應受受已應染時有苾芻得物欲染為求染
汁柴盆金器因此延遲遂失實族被虎狼等
之所傷害時諸苾芻以緣白佛佛言應以水
灑按令破裂隨意持去既至稅所仍不免稅
佛言應用水洗或以牛糞汁而為壞色仍不
免稅佛言乃至應截縷續若有難緣我所開
者於無難時即不應用若常用者得越法罪
佛在室羅伐城給孤獨園時有苾芻在王舍
城夏三月安居竟未及分衣欲向室羅伐城
禮卍尊足時諸苾芻告曰何事急遽待分衣
利方可遊行時彼苾芻情不樂住有一苾芻
便將一氎贈之而去彼受氎已便作是念我

若壞色無暇得與同梵行者而為告別應與
知識苾芻令其壞色便持此氎與彼令染報
云為我染訖安衣袋中我暫巡房與苾芻別
時彼知識情懷懶墮不能為染還依本色安
著袋中時彼苾芻持衣而去行至稅處時彼
稅人問苾芻曰聖者頗有多少可稅物不苾
芻報曰賢首我無稅物稅官曰但且將來試
為觀察彼便將示纔開衣袋見一大氎報言
聖者仁於善說法律之中以信出家寧容為
一張氎故作妄語報言賢首我實不知然我
臨途他與我氎我持此氎令知識者為我壞
色安衣袋中我與諸人共為告別彼懷懶墮

不作壞色而安袋中稅人荅曰彼非仁知識
是我知識由此緣故令我得物可還稅直隨
意前行時彼苾芻與直而去心懷悔恨順路
而行至室羅伐城苾芻任處諸苾芻見而告
曰善來具壽行路安樂不荅曰何有安樂諸
苾芻曰如何不樂具以上事告諸苾芻諸苾
芻白佛佛言此苾芻無犯然此苾芻應問彼
苾芻然後取物應問彼言與我染未若不問
而取者得越法罪

佛在室羅伐城給孤獨園時六衆苾芻難陀
向鄔波難陀作如是語彼諸黑鉢者皆以獼
猴脂用塗其足若欲行時多獲利養迴還之

時復受客利衆人愛念悉皆敬重我等事同
井蛙不曾出入我等如何能獲利養得使衆
人皆共欽仰我今宜去同諸苾芻鄔波難陀
問曰欲何處去難陀荅曰我今且去求覓賣
旅遂遇賣旅欲詣北方告曰仁等欲何所詣
荅曰我等欲向北方難陀報曰我願同行賣
人曰北方居處其地磽确多有惡犬人性麁
疎仁等於彼未能愛樂難陀曰土地雖惡情
樂觀方賣人曰若樂去者可共同行難陀鄔
波難陀遂與賣旅同至北方初到之時心便
不樂遂於清旦行詣鄔中時彼賣人俱來禮
足問言聖者北方何似生愛樂不報言賢首

我初到時情生不樂賈人曰豈不先卑以事
相報北方居處其地磽确多有惡犬人性麁
踈仁等於彼未能愛樂聖者今既不樂欲還
中國耶報賈人曰我今欲還賈人曰我近至
此未有交易不及即還有餘知識交易已了
欲歸中國仁可隨去我今將仁投寄知識難
施曰善即入賈營隨路而去六衆性畏風塵
或前或後賈旅前去別遇賈客從中國來共
相慰問仁自何方答云我從中國又問中國
交易得利多少於諸關稅無疲勞耶答言中
國交易雖多獲利然於關式索稅極多事同
劫賊實言日台冬不見容所有貨物盡奪將

去時北方賈人間此語已各懷憂惱以手拄
頤沉吟路傍是時六衆尋後來至問賈人曰
諸君何為以為手拄頤懷愁而任賈人曰聖
者我等常為寒熱飢渴所逼蚊蚋風雨虺虺
所害勤勞辛苦無暫休息欲求財物安樂受
用由是我等遠詣中國今聞賈旅傳彼消息
中國興易獲利雖多然關稅處皆被欺奪事
同劫賊所有資化員侵掠旨盡我等聞此寧得
不憂六衆報曰仁等是我知識何事須憂賈
人曰聖者豈能為我啓白王知不在輸稅六
衆曰我亦不能為君啓王然室羅伐城王有
制令其不知者不從索稅有十八大門三十

六小門於彼小門我當共入賈人聞已歡喜而去去城不遠有一聚落於彼停任六衆報曰人等且應歇息馳馬待至日暮方可入城時室羅伐掌稅諸人聞有北方賈旅欲至於城門處祭祀藥叉守門而任六衆告曰今旣日暮可趣小門共入城內是時賈旅爭驅鞍馱俱入城中旣至天明於市店上張設北方貨物時有一人不及前徒從大門入稅官見已問曰尔從何來荅曰我從某聚落來問曰我聞北方有大賈旅在彼居停其事虛實報云彼即是我同伴賈旅我獨在後彼已入城稅官聞已心生忿惱作如是言我在城門佇

立而待曾不見過何處人耶彼人報曰若不
信者與我同行至鄜肆中目驗虛實是時稅
官即共彼人行至店中見諸賈客出北方貨
羅列交易稅人見已問曰誰將汝等入此城
耶荅言我足報云我亦知君足行而入我今
欲問誰將若入入在何門荅言我從私門問
曰我今與仁義同親友幸可實言誰相引導
荅云聖者六衆稅官聞已便起譏嫌罵云此
釋迦子是大惡賊非真沙門知是他財方便
偷盜諸苾芻聞已白佛佛言苾芻不應教他
私路不輸稅直若教他者得越法罪
是時稅官便作斯念此之六衆皆是豪俠沙

門應共結親知令其心喜鄔波難陀日初分
時執持衣鉢入城乞食是時稅官見而往就
作如是語我畔睇聖者鄔波難陀荅曰賢首
願尔無病長壽稅官問曰鉢中有食不我欲
暫看報曰賢首汝欲於我鉢中覓稅物耶聖
者我自盟誓實無此心若有美味當惠少許
我欲食之報曰豈見河水而倒流乎仁應與
我非我與仁聖者我戲言耳願過我舍鄔波
難陀即至其家彼以上妙食滿鉢授與頂禮
雙足作如是白聖者我是大德給侍之人有
事當告我悉奉行報曰賢首願無病長壽捨
之而去

尔時六衆苾芻凡在任處多遊門首意欲爲
諸來往沙門婆羅門宣說法要有論議者當
折伏之我等六衆名稱遠聞利養增廣時鄔
波難陀所居之房與路相近於高閣上初夜
後夜警覺思惟時有偷稅人去寺不遠夜行
而過時鄔波難陀明解聲相既聞實旅行過
之聲與常不同而遙問曰行者是誰彼便默
尔遂疾下重閣詣行人處而問之曰君等何
人夜行而過報言聖者我是偷稅實人鄔波
難陀報言癡人勝光大王恒於此寺供養衆
僧常令充足上座憍陳如親自爲王而作呪
願願大王所有資生之用珍玩未有者今有

已有者常令增廣汝有貨物合大路入城令
既夜行欲偷稅直我今豈得捨而不言我當
與汝作無利事時彼賈人懼而告曰聖者仁
懷大慈願見容恕我於聖者不敢忘恩報曰
汝等欲何所作荅曰有少食直我當持奉報
曰汝若能與隨汝意去彼行稍遠自相議曰
勝光大王所有稅直我尚不與況此鄔波難
陀無髮禿人我能還彼飲食直耶即便夜入
室羅伐城旦詣鄔中貨易而去時鄔波難陀
疾疾食竟門前洗鉢顧望四方時有少年苾
芻見彼四顧問曰上座何故瞻視四方報言
具壽我有知識賈人持諸貨物入室羅伐城

我今望彼少年報曰上座食時彼人已去時
鄔波難隨心生忿怒作如是念我亦被欺彼
無知人以拳投刃以針刺石我於彼輩所應
作者當自知之時彼賈人不久還來同前捉
得告言我亦被汝之所調誑白言聖者我於
前時有少急事不遑就禮願重相容前後之
恩悉皆報謝報言賢首若實與者隨汝意去
既去稍遠同前議曰勝光大王我不與稅豈
禿沙門我能相與鄔波難隨作如是念前已
許我不來報恩無更於今還復相誑作是念
已早起持衣詣市廛內見彼賈人交易財賄
現彼相貌賈人報曰聖者物未出手待交易

說不敢違命願且相容賈人交易持貨而去
不過寺門鄔波難陀疾歸住處食訖洗鉢廣
說如前乃至賈人已去鄔波難陀聞是語已
轉增忿恨攘臂怒曰無識小人更復調我若
更見者我當執縛令彼終身不爲賈客時經
未久還復重來鄔波難陀同前捉得告曰汝
等數數詭誑於我今我所作令汝知之白言
大德願見容恕我等賈人事多鬧亂雖復失
期更不敢令前二恩直并及此迴待貨易訖
一時俱送鄔波難陀遂生念曰我若苦言彼
便知覺作是念已告曰賢首能實與不報言
定與若如是者汝等且在我先爲汝觀其道

路勿令汝等致招罪責我得惡名去寺不遠
賈人被賊彼諸賈人隨語而任鄔波難陀疾
往詣彼稅官之處竊聽其言是時稅人警覺
而坐共相議曰我等如何得不愁惱多有賈
人數數偷稅從小門入不輸其利計會時至
王性暴烈必不容許我之妻子及餘親屬定
當獄死時鄔波難陀至衆人所告曰仁等何
故懷憂報言聖者我等寧得不憂多有賈人
數數偷稅從小門入不輸利直計會時至王
性暴烈不許分踈具述如上鄔波難陀告曰
癡人誰令汝作掌稅官人惟合多與杖木常
令負土或復擔樵如何於偷稅人不能奪取

財物彼便白言聖者室羅伐城王舊有令知者稅不知者不稅無極重稅云何揔奪鄔波難陁曰汝無智人室羅伐城有極重稅知而方稅彼便白言我等久作稅官常索稅直惟聞知而取稅不聞有極重稅我今如何作極重稅鄔波難陁曰汝等宜住我且迴還放偷稅賊汝當提取揔奪其財賈人若云室羅伐城知而方稅無極重稅者汝等當告有極重稅知而方稅若云我等久爲賈客不曾聞有極重稅今有極重稅生君等可來共往鄽中詣平斷處若作是語者必莫隨言應可將向王處若王作如是語我久爲王不聞室羅伐

城有極重稅何故今時有極重稅生應白王
曰古昔大王梵摩達多與諸賈賈及聚落人
共爲制令若從某園某天祠處或衆人集處
而入城者知而方稅不知無稅若不從此園
及天祠處衆人集處而入城者合極重稅摠
沒其物若言此制今何所在當報王曰在某
庫內安其稅中於赤銅鑠上分明書記王當
遣取親自檢之是時稅官依鄔波難陀語即
便奪彼賈人所有財貨賈人曰君等何故強
奪我財室羅伐城知而方稅無極重稅宜依
分數取已放我稅官告曰室羅伐城偷路賈
人當極重稅我不放汝賈人報曰我等久爲

賈客惟聞此城知而取稅無極重稅如何今日有極重稅生今可相隨詣平斷處稅官告曰我不能向尋常斷處可將汝等直向王所時諸賈人高聲大喚詣平斷處告諸人曰諸君知不我有財貨並被奪去願見救濟時平斷人共詣王所而白王曰今有賈客來至城中所有財貨並被稅官收奪將去願王准法而見救濟是時大王命近臣曰喚稅官來奉命追至王曰汝等何意於彼賈人盡奪財貨皆白王曰此等諸人是偷稅者室羅伐城有極重罰由此緣故我等稅人盡取其物王曰我久爲王不知此城有極重罰何意今時有

極重罰宜可依實而取稅直放賈人去稅官
白言古昔大王梵摩達多與諸賈賈及聚落
人共爲制令具說如前王告稅官曰若是我
父所作教令是帝釋令是梵王令斯爲定量
便告掌庫人曰將銅鑠來奉教取來對王
讀訖王聞父令悲不自勝泣而言曰若我先
王所作教令是帝釋令是梵王令惣奪財貨
斯爲善取時諸賈人遂便絕望啼泣而出便
問稅官曰誰報仁等道我來耶彼便報曰無
人見語我自聞知然我昔來非不知有爲懷
悲愍不能盡奪汝今過分我不能忍賈人報
曰仁等何處得有悲心今我與君事同知友

報當見報誰先語君彼見苦言便告之曰聖者六衆相告時彼賈人咸共譏罵出諸惡言此釋迦子是大惡賊非真沙門如是教他奪我財物諸苾芻聞已白佛佛言苾芻不應教他奪賈人物若教奪者得越法罪

攝頌曰

無足及二足

四足及多足

若盜如是類

輕重准應知

言無足者謂蛇蛭鱓此之三種是弄蛇人王家醫人及山野人之所財畜何謂弄蛇人謂取其蛇弄以活命何謂王家醫人謂諸醫人以蛭療病而爲活命何謂山野人如山中人

取無足蟲與藥令吐瓦中熟爆以供飲酒若
苾芻盜此等蟲時應准其價滿五得根本罪
不滿得方便罪

言二足者謂人及鳥若盜人時有三方便期
處定時現相云何期處報彼人云汝若見我
在某園中或衆人集處或在天祠當介之時
知事成就是謂期處云何定時汝若晨朝或
午時或晡時遙見我者知事成就是謂定時
云何現相汝若見我新剃鬚髮著赤色衣持
鉢執錫盛滿蘇油沙糖石蜜見此相時知事
成就是謂現相如是盜時應准其價得罪同
前若盜鳥時有二方便謂從地擊舉若空中

墮落云何擎舉鳥在地上擎舉偷去滿不滿
如上說云何空墮如捕鳥人火燎原澤為欲
取鳥被烟火逼時墮在苾芻經行之處或門
屋前若苾芻盜心取時滿不滿如上說

云何四足謂為馬駝驢牛羊獐鹿猪兔等若
欲盜時有二方便為從群處或於繫處苾芻
於鳥群中盜鳥去時齊眼見處來得宰吐羅
底也至不見處得根本罪云何繫處若象繫
柱若樹若牆柵內苾芻解放得罪如上盜象
既尔自餘馬等苾芻盜時如前應知
云何多足所謂螻蛄蝗蛾諸蜂蟻蠍等此中
所須者謂於三處謂斷事官守城者海賁客

何謂斷事官謂斷事人畜養多足謂蜂蠍等
貯在窠內見被罰人不臣伏時令以手足內
彼窠中彼蜚痛時疾承其事或多出錢物何
謂守城者謂掌城者於坏窠內多貯諸蜂若
怨敵來與之共戰若不退者可於城頭放其
蜂窠賊被蜂蜚四散逃走何謂海賈客謂人
入海為求珍貨坏瓦器中多養諸蜂以防急
難賊來共戰若勝者善若不如者便持蜂窠
遙擲賊船不能復戰四散而去

攝頌曰

旃荼羅及蘇陀夷
師牟不語婆蘇多

取衣比身無盜想
自作已分持小鉢

月護知他欲取衣

難勝持將得鹿罪

南國中方不相領

拾得他物速應還

佛在室羅伐城逝多林給孤獨園有二苾芻
共為知友得意相親同住一處一名旃荼羅
二名蘇陀夷其旃荼羅衆所識知有大福德
而形矧小多有衣鉢網絡罽條等其蘇陀夷
少有知識其形長大但有三衣而復故弊形
體多露諸苾芻告曰具壽汝今少欲衣破露
形為多利養為無利養荅言無利彼便報曰
何不乞求荅言誰當捨彼佛法僧田而施於
我彼便報曰其旃荼羅苾芻是汝親友多諸
知識有長衣鉢網絡罽條何不從覓荅言彼

不肯與復問汝已從彼而乞求耶荅言未乞
報曰豈聞水聲而便脫鞋耶汝宜乞求彼應
見惠旣被勸喻便詣旃荼羅處彼行不在便
作是念此旃荼羅其形矧小取彼僧伽肱我
試量度若與我身量得相似者我當從覓若
不相當何事干忤便入彼房觀其衣物於衣
笥上見僧伽肱即便取彼便看長短時旃荼
羅從外忽至見而報曰汝以賊心取我衣著
得波羅市迦荅言具壽我無盜心取此衣物
但作是念旃荼羅其形卑小取彼僧伽肱試
復量度若與我身量得相稱者我當從覓若
不應量者何用如是煩惱資具耶彼便報曰

具壽不須強諱漫作分踈汝以賊心取我衣
著得波羅市迦聞此語已便生追悔豈非我
犯重罪耶告諸苾芻諸苾芻白佛佛言苾芻
汝以何心彼便以實具白世尊佛言此苾芻
若作量度心者無犯然諸苾芻不應非親友
處為親友想有三種親友謂下中上於下親
友作下心委寄若中親友作中下心委寄若
上親友作上中下心委寄若苾芻於非親友
作親友心相委寄者得越法罪

根本說一切有部毗奈耶卷第四

崇

填

音

歇

許 反 謁

金

音

縷 續

下

反 求

念 遽

上

反

去反其暇音蛙烏瓜反磽确下上苦交反反壓反直連反戍

注下詩反拄頤下上知之反反蛇虺下上地字同枉下紆

劫掠略下音馱唐賀俠胡估睇音弟盟音明秃他谷

調詭上徒惶音皇賄呼每攘而羊詭居委

坐上昨鏢音葉蛭蟬下上質音善獐音章條土高

蟻二曹字音蝗音皇蟻音善蠍下上語倚反

菴音哲坏上笈下於反長衣丈諱許貴謾莫半

根本說一切有部毗奈耶四卷

棠

